



ŠPD "UNSKO-SANSKE ŠUME" d.o.o.
Bosanska Krupa, Radnička bb

Telefon: +387 37 476-901 Identifikacioni broj: 4263074140004
Fax: +387 37 476-929 Porezni broj: 11071044
Komerijala: +387 37 476-906 E-mail: kontakt@ussume.ba
Fax komerc: +387 37 476-920 Web: www.ussume.ba

Broj: 019-2885-2/16

Bosanska Krupa, 05.09.2016. godine

Na osnovu člana 24. Statuta ŠPD „Unsko – sanske šume“ d.o.o. Bosanska Krupa,
Skupština ŠPD „Unsko – sanske šume“ d.o.o. Bosanska Krupa *r a s p i s u j e*

JAVNI KONKURS
za izbor i imenovanje predsjednika i članova Nadzornog odbora
ŠPD „Unsko – sanske šume“ d.o.o. Bosanska Krupa

I
(Predmet Javnog konkursa)

(1) Predmet Javnog konkursa za izbor i imenovanje predsjednika i članova Nadzornog odbora ŠPD „Unsko – sanske šume“ d.o.o. Bosanska Krupa je prikupljanje prijave kandidata za izbor i imenovanje na poziciju predsjednika i pozicije članova Nadzornog odbora Društva.

(2) Odluku o konačnom imenovanju predsjednika i članova Nadzornog odbora donosi Skupština Društva uz prethodno pribavljeno mišljenje Vlade USK.

II
(Opis pozicija)

Nadzorni odbor nadležan je da:

- nadzire rad Uprave ŠPD-a,
- nadzire poslovanje ŠPD-a,
- priprema pravilnike, poslovnike i predlaže ih Skupštini ŠPD-a na usvajanje,
- priprema Etički kodeks u saradnji sa Odborom za reviziju i predlaže ga Skupštini ŠPD-a na usvajanje,
- vrši izbor kandidata Odbora za reviziju i podnosi prijedlog za njihovo imenovanje Skupštini ŠPD-a,
- razmatra provedbeni propis (pravilnik i uputstvo) za postupak nabavki s aspekta njegove usaglašenosti sa važećim propisima i nadzire njegovu provedbu,
- daje mišljenje Skupštini ŠPD-a o prijedlogu Uprave za raspodjelu dobiti,
- predlaže Skupštini ŠPD-a način pokrivanja gubitka,
- imenuje i razrješava članove Uprave u skladu sa važećim propisima,
- odobrava kupovinu i prodaju, zamjenu, uzimanje u lizing i druge transakcije imovinom u toku poslovne godine u obimu od 15% do 33% knjigovodstvene vrijednosti ukupne imovine,
- daje ovlaštenja za aktivnosti ŠPD-a koje su ograničene Zakonom o javnim preduzećima u Federaciji BiH,
- daje upute direktoru za provođenje preporuka u vezi sa uočenim nepravilnostima,
- organizira izradu vjerodostojnih računovodstvenih evidencija i finansijskih izvještaja u skladu sa važećim Zakonom o računovodstvu i reviziji u Federaciji BiH iz kojih je vidljiv finansijski položaj ŠPD-a radi davanja na uvid svim licima koja imaju legitiman interes za poslovanje ŠPD-a,

Podružnice: Bihać: +387 37 314-024 (šumarija); Pogon Bos. Krupa: 471-127, 474-307; Cazin: 514-031 (šumarija),
Cazin: 514-179 (rasadnik); Sanski Most: 686-155 (šumarija); Ključ: 662-037 (šumarija);
Bos. Petrovac: 881-439 (šumarija), 881-025 (građenje i mehanizacija)

Žiro-računi: RAFFEISEN BANK: 1610 3500 1413 0032

UNICREDIT: 3385 3022 6114 4206



- usvaja izvještaj Uprave o poslovanju ŠPD-a po polugodišnjem i godišnjem obračunu sa bilansom stanja, bilansom uspjeha i izvještajem eksternog revizora za godišnji obračun,
- podnosi Skupštini ŠPD-a godišnji izvještaj o poslovanju ŠPD-a koji uključuje i izvještaj revizora te izvještaj o radu Nadzornog odbora i Odbora za reviziju,
- podnosi Skupštini ŠPD-a plan rada i poslovanja za narednu poslovnu godinu u okvirima postojećeg plana rada i poslovanja i revidiranog plana,
- saziva Skupštinu ŠPD-a, prisustvuje sjednicama Skupštine i učestvuje u radu bez prava odlučivanja,
- vrši sistematski nadzor nad poslovanjem i zakonitošću poslovanja ŠPD-a,
- daje instrukcije organima ŠPD-a radi otklanjanja nepravilnosti u radu,
- nadzire Upravu u primjeni preporuka datih od strane Odbora za reviziju i vanjskog revizora,
- vrši neposredni nadzor nad provođenjem pojedinih odredaba iz člana 19. Zakona o javnim preduzećim u Federaciji BiH (interna kontrola),
- redovno izvještava Skupštinu ŠPD-a o svom radu,
- obavlja i druge poslove iz svoje nadležnosti predviđene Zakonom o privrednim društvima i Zakonom o javnim preduzećima.

III (Mandat)

(1) Predsjednik i članovi Nadzornog odbora imenuju se na vrijeme od četiri godine s mogućnošću ponovnog imenovanja, s tim da po isteku perioda od dvije godine od dana imenovanja, Skupština ŠPD-a glasa o povjerenju članovima Nadzornog odbora ŠPD-a.

(2) Predsjednik i članovi Nadzornog odbora ostvaruju pravo na naknadu za svoj rad u skladu sa posebnom Odlukom Skupštine Društva.

IV (Uslovi za imenovanje)

(1) Kandidati za imenovanje na pozicije predsjednika i članova Nadzornog odbora moraju ispunjavati sljedeće opće i posebne uslove:

a) Opći uslovi:

- da je državljanin BiH,
- da je stariji od 18, a mlađi od 65 godina na dan imenovanja,
- da nije otpušten iz državne službe kao rezultat disciplinske mjere na bilo kom nivou u BiH, u periodu od tri godine prije objavljivanja Javnog konkursa,
- da se na njega ne odnosi član IX 1. Ustava BiH,
- da nije osuđivan za krivično djelo ili privredni prijestup, niti se protiv njega vodi krivični postupak,
- da mu pravosnažnom presudom suda nije zabranjeno obavljanje aktivnosti za poziciju na koju aplicira,
- da nije izabrani zvaničnik, nosilac sudske ili izvršne funkcije ili savjetnik izabranim zvaničnicima i nosiocima izvršnih funkcija,
- da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije BiH,
- da nije u sukobu interesa u ličnom ili profesionalnom odnosu s društvom u kom aplicira na poziciju predsjednika, odnosno člana Nadzornog odbora.

Posebni uslovi utvrđeni ovim Statutom su:

- najmanje VII stepen složenosti zanimanja (ili II ciklus studiranja po Bolonjskom procesu), VSS, završen pravni, ekonomski, šumarski ili drugi fakultet društvenog ili tehničkog smjera,
- da ima najmanje 3 godine radnog iskustva u struci od sticanja VSS.

Prilikom procjene kvalifikacije i iskustva kandidata kao posebni uslovi uzimaju se u obzir i sljedeći kriteriji:

- *stručne, iskustvene, komunikacijske i organizacijske sposobnosti*
- *sposobnosti tumačenja i primjene zakona i drugih propisa, a naročito iz djelatnosti ŠPD-a*
- *prilagodljivost timskom radu i sposobnost za savjesno i odgovorno obavljanje pozicije za koju se kandiduje*
- *sposobnost odlučnog i nepristrasnog donošenja odluka,*
- *rezultati rada ostvareni tokom prethodnog radnog angažmana i preporuka poslodavca.*

(2)Predsjednik i članovi Nadzornog odbora privrednog društva sa većinskim državnim kapitalom, dužni su proći odgovarajuće stručno usavršavanje u skladu sa propisom koji donosi Vlada Federacije Bosne i Hercegovine.

(3) Prilikom procjene kvalifikacije i iskustva kandidata kao posebni uslovi uzimaju se u obzir i sljedeći kriteriji:

- *stručne, iskustvene, komunikacijske i organizacijske sposobnosti*
- *sposobnosti tumačenja i primjene zakona i drugih propisa, a naročito iz djelatnosti ŠPD-a*
- *prilagodljivost timskom radu i sposobnost za savjesno i odgovorno obavljanje pozicije za koju se kandiduje*
- *sposobnost odlučnog i nepristrasnog donošenja odluka*
- *rezultati rada ostvareni tokom prethodnog radnog angažmana i preporuka poslodavca.*

V

(Potrebna dokumentacija)

(1)Uz prijavu na Javni konkurs sa kraćom biografijom kandidati su dužni priložiti sljedeću dokumentaciju kojom dokazuju ispunjavanje općih i posebnih uslova traženih Javnim konkursom:

-diplomu o završenoj stručnoj spremi (nostrificirana diploma ako fakultet nije završen u BiH ili je diploma stečena u nekoj drugoj državi nastaloj raspadom bivše SFRJ nakon 06.04.1992. godine),

-potvrdu/uvjerenje o radnom iskustvu,

-uvjerenje da se protiv kandidata ne vodi krivični postupak (ne starije od tri mjeseca),

-uvjerenje o državljanstvu (ne starije od šest mjeseci) ili ovjerenu kopiju lične karte izdate od nadležnog MUP-a,

-izvod iz matične knjige rođenih (ne stariji od šest mjeseci),

-izjave kandidata ovjerene kod nadležnog općinskog organa za ispunjavanje općih uslova za tačke 3-9, tačka IV, stav (1), pod a) Javnog konkursa.

(2)Sva dokumentacija dostavlja se u originalu ili kao ovjerene kopije.

VI

(Ostale napomene)

(1)Komisija za izbor predsjednika i članova Nadzornog odbora, koju imenuje Skupština Društva, će nakon zaključenja konkursa pregledati sve zaprimljene prijave i utvrditi da li su blagovremene i potpune.

(2)Nepotpune i neblagovremene prijave neće se razmatrati.

(3)Komisija će razmotriti sve potpune i blagovremene prijave i sačiniti listu kandidata koji su ušli u uži izbor. Svi kandidati koji budu stavljeni na listu sa užim izborom će biti pozvani na intervju pred Komisijom. Prije intervjua kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima, te popuniti obrazac u kojem će iznijeti bilo koje pitanje koje bi moglo dovesti do sukoba interesa u slučaju da dođe do njihovog imenovanja. Obrasci će se popuniti neposredno prije intervjua.

(4)Prijava kandidata sa kojim se ne stupa u kontakt u roku od 14 dana od dana isteka roka za podnošenje prijava neće biti razmotrene u daljem procesu kandidovanja.

(5)Nakon obavljenog intervjua Komisija za izbor će Skupštini ŠPD-a dati preporuku za imenovanje na pozicije predsjednika i članova Nadzornog odbora.

(6)Komisija za izbor zadržava pravo provjere svih podataka iz izjava i drugih dokumenata kandidata.

(7)Sve informacije o toku postupka kandidovanja su javne, osim ako informacije o podnosiocima prijava nisu povjerljive u smislu odredaba Zakona o zaštiti ličnih podataka BiH („Službeni glasnik BiH“, broj: 49/06, 76/11 i 89/11).

(8)Prijave na Javni konkurs sa traženom dokumentacijom dostaviti lično ili poštom preporučeno na adresu:

ŠPD „Unsko – sanske šume“ d.o.o. Bosanska Krupa
Komisija za izbor predsjednika i članova Nadzornog odbora
Ul. Radnička bb, 77240 Bosanska Krupa

Sa naznakom: „Prijava na Javni konkurs za izbor i imenovanje predsjednika i članova Nadzornog odbora – ne otvaraj“

(9)Na poleđini koverta potrebno je navesti ime i prezime podnosioca prijave, adresu i kontakt telefon.

(10)Javni konkurs će biti objavljen u „Službenim novinama Federacije BiH“, jednom dnevnom listu velikog tiraža i web stranici Društva.

(11)Rok za podnošenje prijava na Javni konkurs je 15 dana od dana posljednjeg objavljivanja.

PREDSJEDNIK SKUPŠTINE

Amir Dizdarević, dipl. ing. šumarstva